

ILLVSTRISSIMO PRINCIPI  
AC DOMINO, DOMINO MAVRITIO, LANDT-  
GRAVIO HASSIAE, COMITI IN CATZENELLEBOGEN,  
DIETZ, ZIGENHAIN ET NIDDA:  
Principi ac Domino Clementissimo,  
S. D.

**L**LVSTRISSIME, ET GENEROSISSIME Princeps, miraberis fortè, quod de facie ignotus, & tantâ viarum intercedine, terrâ mariq; dissipatus, hiscè te compellare non verear; At ubi rationes, quæ me huc adduxerunt, perspexeris, nihil ambigo, quin depositâ omni admiratione, clementi & benigno animo hæc sis accepturus. Sunt præterlapsi Anni unus & viginti, quando per Germaniam iter faciens, & in Italiam cogitans, Cassellis laudatissimæ memoriæ Parentem tuum GVLIELMVM Hassiæ Landtgravium, Amore studiorum, quibus utrinq; impensè afficiebamur, Astronomicorū (inquam) & Cælestium, quæ longè supra vulgi captum evecta, circa Paschatis festum inviserem; Cumq; illic eapropter ultra hebdomadam subsisterem, memini me à Parente tuo clementer & benevolè sæpè invitari, ut quotidiana ipsius conversatione ex voto fruerer. Itaq; interdiu de Rebus Astronomicis, præsertim ad Observationes Siderum facientibus affatim, nec sine voluptate contulimus: Noctù verò, quando serenitas opportuna sinebat, Astrorum quorundam locis denotandis invigilauimus, quò eius Instrumenta Astronomica, quæ in edito quodam Arcis loco sub diô tunc statuebantur,

(:)

tur,